





Yhûmsing é hkámjá hkyô lé

sadiq é hkyô

Zuì eq nhut hkaû hkám já hkyô







Yhûmsing é hkám já hkyô lé sadiq é hkyô

## Zuì eq nhut hkaû hkám já hkyô

Dang hpuq lhik é buì nyì: April, 2013

Dang hpuq lhik sù: Lahpai Nang San Ong

Myíng: Zaiwâ



ပထမအကြိမ်ထုတ်ဝေခြင်း, ၈ အုပ်

International Cooperation Cambodia ၏ခွင့်ပြုချက်ဖြင့် စာသားနှင့်  
ပုံများကို အသုံးပြုထားသည်။

ရတနဂီရိခရိုင်ရှိ ကျန်းမာရေးအယ်ဒီတာများအဖွဲ့မှ ရေးသားထားသည်။




Zuì eq nhut hkaû hkámjá hkyô





Shí mhô-myi gi, Ma Yúng é a-hkyô nghut ri.  
Ma Yúng gi, asak raxe í zân bò bê nghut  
ri. Yhang gi, jong ê mô luzúm pê yhâm pé hká  
lám yông wún é lé o ri. Gai séng pé shut ê  
jáng, sháhtang, namhtán pé wui zô kún é lé  
le gyaí o ri.



Ra napkyó má, Ma Yúng gi, yhâng é zùi  
ngat nò mù, ra-myin mau a wó yhup é  
yanmai, jong a kâm ê dut nyì ri.








Ma Yúng yângnu gi, chi séng mâ é chi é  
wuî mô, yhang lé byi tsô ri. Chi zô kat é  
yanmai, zuì nô é ra chyt yom ló kôhang  
ngat nô é a gè shi nghut ri.

Ma Yúng jong ê mô, yâng luzúm pé eq  
huí le, yâng lazúm pé gi, yhángmoq le  
ra dàm dàm zuì nò é hkyô lé taî akô.




Ma Yúng é zuì gi, sum myi nyí myáng le  
le, xoq nò nyí é yanmai, yhângnu gi, chi  
sarawún chyáng shuî ê mô, tânshit ri.




Chi sarawún gi, Ma  
Yúng é zuì pé lé jep  
wú é hkûn, nyìng eq  
hkyung hpyo pé  
wâm nyí é lé myang  
ri.






Sarawún mai, yâng é wâm é nyìng pè  
matú, chi pé byî kat ri. Hau htâng, zuì pé  
a nò shoq hká su kut sadiq châ é pé lé  
mhoq byî kat ri.

Sarawún gi, zoshuq pé lé ngat hpé râ matú, zoshuq pé lé nye zo râ matú eq dang pé san za wó nyô râ matú, zuì pé ahkyak é hkyô lé taî kyô ri. Zuì eq nyèng pé lé, a yán lê san san sêng sêng kut châ é lé le taî kyô ri.



Hau htâng má saráwún gi, “Zuì pé eq nhut hkámjá râ matú, zuì htu chî é gi, gyai ahkyak é mú nghut ri. Zuì htu é gi, zuì kyo pé má chyap lúng tô é zoshuq a-myt ahtâng pé lé wó lhoq sêng htoq mô, zuì nô é, zuì bau zô é pé maî le wó lhoq yhên byì lhê. Zuì htû zè a wó jáng, myoq haq, wahaq, sik koq nyhóm nyhóm zâ é pé, ma-ún shi kuq eq gótû nyhôm é zè pé lé chûng mô, ge htu lhê. Ra-nyí lé, zuì 2 dàm , 3 dàm kô htû châ lhê.”ga taî kyô ri.



Saráwún gi, “Mhan-haq hpoqnoq, shi pé,  
ngo zo eq sho pé zo jáng le, zuì hkámjá lhê.”  
ga dum xoq taî ri.



“Zuì é matú gè é zoshuq pé joq é su, agè é, ahtuk é zoshuq pé le joq lhê. Zuì matú agè é zoshuq pé gi, chochui, hpungchuî, eq shiwîng pé nghut é yanmai, shí zoshuq pé lé ban zo hkangmó zuì htû châ lhê.” ga le taî kyô kat ri.





Ma Yúng yhângnu gi, zuì é ahkyak é hkyô  
eq zuì a nò shoq hkásu kut sadiq châ é lé  
rago za gyô yu chûng mô, yhangzô pé lé ló  
mhoq byì râ matú myit hpyit pyám bê nghut  
ri.

Haî mu gâ le, yhangzô pé banshoq bang  
gi, zuì eq nhut hkaû pé a hkámjá é htoq agó,  
nhut hkaû shôm a nam ngón é yanmai nghut  
ri.

Ma Yúng yhângnu gi, yhang eq yhangzô  
pé, rago a châng kut jáng, zuì nò lò râ nghut  
é hkyô lé, saráwún chyáng mai wó sê yù bê  
nghut ri.

Hau htoq agó, asak kô lò é hkûn, zuì pé  
gyuî byuq mô zuì dum tsuq jáng, ngùn myo  
myo bàn râ nghut é lé le wó gyô sê yù ri.

Ma Yúng zuì nò mû, saráwún eq  
rago é tânshit é htâng mai, yhâng é  
gu-mang nhiktâng wuì le, zuì rago ge  
htu byuq bekô nghut ri.

Ahkuî ga jáng, yhángmoq zuì a nò  
byuq lo kó nghut ri. Súpê hí pé hká  
má le, dang haî rago wám nyò, wám  
wuì bekô nghut rri.



